

Ko-kurikulum pupuk sifat kepimpinan

NORMAWATI MUHAMAD KASIM

KUANTAN - Mahasiswa kemasukan sesi 2009/2010 perlu lebih aktif kerana mereka adalah kumpulan yang pertama memasuki universiti selepas Akta Universiti dan Kolej Universiti (AUKU) dipinda tahun lalu.

Timbalan Menteri Pengajian Tinggi, Datuk Saifuddin Abdullah berkata, tujuan akta berkenaan dipindah adalah untuk mengurangkan kawalan dan kongkongan seterusnya memberi kebebasan kepada mahasiswa bersuara dan mengadakan aktiviti yang berfaedah.

Menurutnya, mahasiswa diberi semula kebebasan bagi mengembangkan bakat dan potensi sebagai seorang aktivis dan pemimpin.

"Mahasiswa sesi 2009/2010 diharap dapat menggunakan kesempatan dan kepercayaan yang kerajaan berikan untuk lebih bergiat aktif dalam ko-kurikulum. Saya berharap mahasiswa mengutip setiap peluang yang ada di universiti dengan sebaik-baiknya," katanya di sidang akhbar selepas merasmikan Minggu Induksi Siswa 2009 (MINDS 09) Universiti Malaysia Pahang (UMP), di sini.

Menurutnya, daya kepimpinan mahasiswa harus dipupuk semasa di universiti dengan menyerahkan tanggungjawab mengendalikan program kepada mereka.

"Kerjuan menggalaukan universiti memberi peluang kepada mahasiswa melaksanakan program bagi memupuk sifat kepimpinan, peng-



● Saifuddin ketika merasmikan MINDS 09 sambil iperhatikan Pengurus Lembaga Pengarah UMP, Datuk Mohd. Hilmey Mohd. Talib dan Ahli Lembaga Pengarah UMP, Datuk Rohani Abdullah.

urusan dan sikap kerjasama dalam satu kumpulan.

"Kemahiran seperti inilah yang dicari oleh majikan untuk bekerja dengan mereka. Oleh itu, mahasiswa harus berjaya dalam akademik dan juga kegiatan ko-kurikulum," katanya.

Sementara itu, mahasiswa Diploma Kejuruteraan Kimia dan Sumber Asli di UMP, Amar Yasir Bahrin, 18, berkata sifat kepimpinan penting bagi mahasiswa dan dia berazam untuk melakukan

kan yang terbaik dalam akademik dan aktiviti ko-kurikulum.

"Saya sedar saingan untuk mendapat pekerjaan pada masa hadapan adalah lebih sukar dan mencabar. Oleh itu, kemahiran kepimpinan dan pengurusan penting bagi seorang mahasiswa."

"Saya berazam untuk mencuba sedaya upaya menjadi seorang yang berjaya dalam pelajaran dan aktiviti ko-kurikulum kerana sebagai mahasiswa perlu cemerlang dalam pelbagai bidang yang diceburi," katanya.

**kepimpinan
pengurusan**